



Inatsisartunut ilaasortaq,  
Jens Napátók  
Naleraq,  
Maani/

**Kangaatsiami aalisakkanik suliffissuaq pillugu § 37 naapertorlugu apeqquummut nr. 201-2024-mut akissut.**

Ulloq: 25-09-2024  
Suliap normua: 2024 - 17312  
All. nr. 24544926

Inatsisartut suleriaasianni § 37, imm. 1 naapertorlugu Kangaatsiami aalisakkanik suliffissuaq pillugu Naalakkersuisunut apeqquteqarputit. Apeqqut suliassa qarfigisannit akineqartussanngorlugu innersuunneqarnikuuvoq.

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
Mail: apn@nanoq.gl  
www.naalakkersuisut.gl

Apeqqutitit akissutissaqartissinnaajumallugit Royal Greenland A/S-mit akissutissanik piniarnikuuvunga.

**1. Royal Greenland A/S-ip Kangaatsiami aalisakkanut tunisassiorfiup maanna inissisimanera pillugu:**

**a. Sumiiffimmut qaleralinnik suliassanik tiguisarunnaartinneqariartorpa?**

1a-mut) Royal Greenland 2023-mi pisassiissutinik 1.017,5 tons-inik tulaassisussaataavaoq, taakkualu Kangaatsiamut Qasigiannuanullu tulaaneqartussaallutik. 2024-mi Naalakkersuisut aalajangerput avataasiorluni qalerattanit tulaassisussaataanerup Royal Greenlandip pisassiissutaanit tamakkiisumit 25 %-imut apparneqassasoq. Pisassiissutinit tulaassinissaq Qasigiannuanut, Kangaatsiamut, Maniitsumut imaluunniit Paamiunut ingerlaannassaaq.

Qalerallit avataasiorluni pisassiissutit tulaaneqartussaataasut annikillisinneqarmata, avataasiorluni aalisarnermit nunami suliffissuarnut qalerallit ikinnerusut tulaaneqartalerussaapput.

Tulaassisussaataaneq suliffissaqartitsinissaq qulakkeerniarlugu ingerlateqqinneqarpoq.

**b. Arlaatigut assigiinngitsunik suliassakillisarneqalerpa?**

1b-mut) Qaleralinnik ikinnerusunik pilersuinerup kingunerisaanik, Kangaatsiami akunnerit suliffiusut ikinnerulissapput.

**c. Ukioq manna sulisunik ikilisaasoqarnikuua, siunissamilu sulisut suliikileriaateqarnissaannut pilersaaruteqartoqarpa/naatsorsuuteqartoqarpa?**

1c-mut) Kangaatsiami sulisut amerlassusaat najukkami tulaassinerit amerlassusiinit ileqqusumik isumalluuteqartarsimaqaat, siunissamilu aamma taamaattussaassalluni.

Najukkami pingaartumik saarullinnik tulaassuilluartoqaraangat suliffissaqartitsilluartoqartarpoq, najukkami tulaassuineq ukiumi aalajangersimasumi appasikkaangat, taamaaqataanik suliffissaqartitsineq appasittarpoq.

**d. Aalisarnermut Inatsisip nutaap atuutilivissornerani qanoq kinguneqartinneqassava?**

**1d-mut)** Aalisarneq pillugu inatsisip nutaap atuutilerenerani, Kangaatsiamut erniinnaartumik kinguneqassanngilaq. Najukkameersunit saarullinnik pilersorneqarnermik Kangaatsiaq isumalluuteqarpoq aamma aalisarneq pillugu inatsisip nutaap atuutilerenerani tamanna allanngussanngitsaq nalilerneqarpoq.

**2. Sinerissami aalisakkanik tunisassiorfiit assigisaallu nunamiittut, qanoq sulisukillisaanissaq pilersaarutigineqarpa/naatsorsuutigineqarpa? Uani tamakkerlugit tunisassiorfiillu ataasiakkarlugit akeqquneqarput.**

**2-mut)** Najukkami aalisarnermit aalisakkanik qalerualinnillu pilersorneqarneq naapertorlugu, Royal Greenlandip suliffissuini sulisunik ataavartumik naleqqussaasoqartarpoq. Aalisarneq pillugu inatsisip nutaap atuuttunngornerani, pingaarnertut pissutsit marluk Royal Greenlandip nunami suliffissaqartitsineranut pingaaruteqartutut nalilerneqarput. Raajanik sinerissap qanittuani raajarniarnemi piffissap ingerlanerani raajanit sikulersukkanit raajanut uutanut allannguisoqarumaartoq Royal Greenlandimit nalilerneqarpoq, Royal Greenlandip suliffissuini suliffissaqartitsineranut sunniuteqarsinnaasumik. Sinerissap qanittuani qalerallinnut aqutsinissamat pilersaarummi piffissaq ungasinnerusoq eqqarsaatigalugu TAC aalajangersarneqartassaaq, pilersaarut maanna suliarineqarpoq taannalu naatsorsuutigineqarpoq 1. januar 2025-mi atuutilissasoq. Aqutsinissamat pilersaarutip suliarinerani atuisut ilisimasaat taamatullu uumassusilerituut siunnersuutaat ilanngunneqartassapput. Aqutsinissamat pilersaarutip suliarinerani Aalisarneq Pillugu Siunnersuisooqatigiit ilaatinneqarput. Sinerissap qanittuani qalerallinnik pisarineqarsinnaasunik tamarmiusunik (TAC)-mik naleqqussaasoqassappat, Kalaallit Nunaata avannaani Royal Greenlandip suliffissuini suliffissaqartitsineranut sunniuteqassaaq. Maannakkulli suli siusippallaarpoq oqaatigissallugu, sunniut qanoq iluseqarumaarnersoq qaqugulu piumaarnersoq.

Inussiarnersumik inuulluaqqusillunga



Kim Kielsen

Aalisarnermut Piniarnermullu Naalakkersuisoq